

ახალი

„მედნიერია ის, ვისაც
სამშობლოსათვის უძგერს გული.“

ახალი ქართული



ქართული

89-ე წელი
თქვენთან
ერთად!

ელფოსტა

AxaliGantiadi@gmail.com

2020 წელი 29 თებერვალი № 10 № 8163


გთხოვთ კასპელეზო!



კასპუი
50 წლის წინ,
1970 წლის 22
ნოემბერს,
დაიღბა
გიორგი სააკაძის
ქვლი

გვ2-3.

*მოქანდასე
მერს ზეძენიშვილი*



**გვირის სახელობითი
სტრუქტურული**

გვ4.

**რეაბილიტაციის ეტაპის
სამუშაოები**

**კასპუი საზოგადოებრივი
ცენტრი გაიხსნება**

გვ4.



**სოფელ სოვლუბი
გაზიფიკაციის სამუშაოები
მიმდინარეობს**

გვ4.

**სასაქონლო წყლის
მომწოდების სამუშაოები**

გვ4.



**ახალი სტანდარტების
სრული დაწყებით**

გვ9.

საყაძის ცდები ქვეყნის
საშინაო მდგომარეობის
განსამცხელებლად

ყასპელი

გვ5.

ბიჭუნა

გვ2.

არჩევანი

თქვენ!

„ბუდი მთელ

ერს არ


სწყალობდა...“

გვ3.



გვ6.

**გიორგი საყაძის
პროფიტი**



გვ3.

1970 წლის 22 ნოემბერს ჩვენს ქალაქში მოხდა მის ისტორიაში ერთ-ერთი დირსშესანიშნავი მოვლენა - დაიდგა გიორგი სააკაძის ქანდაკება.

თითქმის 350 წლის შემდეგ მშობელ კუთხეს დაუბრუნდა საქართველოდან შორს გადახვენილი შვილი, დაუბრუნდა ცხენზე ამხედრებული, გამიშვებული ხმლით, მხნე, უტეხი, მამული-სათვის გულანთებული...

დიდი მოურავი მშობელ მიწას დაუბრუნა გამორჩენილმა მოქანდაკემ მერაბ ბერძენიშვილმა.

... და, აი, უკვე 50 წელია, ძეგლი ჩვენს ქალაქშია.

50 წლის მანძილზე ხელოვნების ბრწყინვალე ქმნილება ჩვენი ქალაქის სავიზიტო დირსშესანიშნაობა გახლავთ. ასე რომ, ჩვენი გიორგი სააკაძის ძეგლი იუბილარია. უკვდავია საქმენი დიდი მოურავისა და უკვდავია მერაბ ბერძენიშვილის „გიორგი სააკაძე“.

ინტერვიუ ჩანერილია 1980 წელს ძეგლის გახსნის 10 წლისთავთან დაკავშირებით

გაზეთ „განთიადის“ დავალებით მხატვარი ი. იმედაშვილი შეხვდა გამოჩენილ ქართველ მოქანდაკეს, სსრკ სახელმწიფო და შოთა რუსთაველის სახელობის პრემიების ლაურეატს მერაბ ბერძენიშვილს და ესაუბრა მას.

— თქვენი სადი პლომო ნამუშევრიდან („შოთა რუსთაველი“) დღემდე („ჯარისკაცის მამა“) როგორ

„ვისაც სამშობლოსთვის უძველეს გული...“

ფიქრობთ, რა ევოლუცია განიცადა თქვენმა ქანდაკებამ, რა ახალი მხატვრული ამოცანა გადაიტარა?

— თუ როგორი „ტრაკტოვკით“ გადაწყვეტს მხატვარი ამა თუ იმ სახეს, მას თვითობიექტი კარნახობს. ამოცანა კი ერთია, იგი სწორად პასუხობდეს ქანდაკების ენას, ე. ი. პლასტიკას, რისი საშუალებითაც იგი საუბრობს.

— ძველი ქართული კლასიკური ბარელიე-



ფიდან დღევანდელ მონუმენტურ ქანდაკებამდე მისვლა

როგორ მოხდა? თქვენი აზრით, რამ გამოიწვია ეს უეცარი „აფეთქება“ ქანდაკებისა?

— ძველი ქართული ბარელიეფების მკეთებელმა ძალზედ კარგად იცოდა, რა მნიშვნელობით აკეთებდა რელიეფს ქვაში — იგი წმინდა დეკორის ხასიათს ატარებდა, ამიტომაც ძველ ქართველთ არ დავიწყებიათ, რომ ჩვენი ქვეყანა მზის ქვეყანაა და ამიტომაც დიდი ყურადღება დაუთმიათ შუქჩრდილის მნიშვნელობისათვის, რაც მათ დიდოსტატობაზე მეტყველებს.

როგორც ცნობილია, ძველი

ქართული მრგვალი ქანდაკება არ შემოგვრჩა, და აი დღეს იგი თავის სათქმელს ხმამაღლა ამბობს.

მისი „ფეთქების“ მიზეზი, ჩემი აზრით, გახლავთ ის, რომ ჩვენდა საბედნიეროდ, ამ საქმეს საწყისშივე ორი დიდი ქომაგი გამოუჩნდა, რომელთა მხატვრული აზროვნება რადიკალურად ერთმანეთის საწინააღმდეგო იყო. ესენი გახლავთ იაკობ ნიკოლაძე და ნიკოლოზ კანდელაკი. მათ პრინციპულ დამოკიდებულებას სტუდენტებიც იზიარებდნენ. იყო სჯა-ბაასი, გარჩევები, რის შედეგადაც ყოველთვის

გაგრძელება გვ-3.



საკაძის ძეგლის გახსნიდან 8 წლის თავზე გამოიცა მერაბ ბერძენიშვილის წიგნი „ზარი“, რომელიც უსწრაფესად იქცა ბუკინისტურ იშვიათობად. წიგნში შესული მრავალი მოთხრობიდან, მოგონებებიდან, ლირიკული ჩანახატიდან ზოგიერთი ეძღვნება გიორგი სააკაძის ქანდაკებაზე მუშაობას, კასპში მის დადგმას და სხვა. გთავაზობთ ნიმუშს წიგნიდან „ზარი“.

ტივციეზულ ივანე ჯავახიშვილს შემორჩა აღწერილობა. მისი მაღლობელი უნდა ვიყოთ ორივენი. თუ რამე დაგაკელი, მხოლოდ იმიტომ, რომ

კი გამჩნევნ. შეიძლება გადათელოს კიდევ შენმა ცხენმა საწყლე ბუღნი დადგენენ, ჩაიბუხლეს. ეტყობა, ავტობუსს უცდიან.

ორნი, — მე და გიორგი. იწვოდა კასპის მოღანი. ჩემი საჩრდილობლის გვერდზე ბაჭიასავებ რაღაც ფუსფუსებდა. მიუჯახლოვდი. შემომხედა. გავუღიმე, ოფლი მოიწმინდა. მერე კვლავ საქმე გააგრძელა. გამალებით ხმარობდა ფანქარს პატარა, გიორგის ხატავდა.

— დიდი თავი ძეგველ მიშას აქვს. — მიპასუხა ბურღუნით. — ამ ბიჭში გიორგისეული სული ტრიალებდა, იგი ზედარ მიყურებდა, გამალებით უსვამდა ფანქარს.

— გიყვარს ხატვა, ბიჭო?

— კაცო, ამ სიცხეში იმიტომ მოველი, კითხვა-პასუხს ავცდენოდი. მომეშვი, საქმე არა გაქვს?!

— კარგი, წავალ-მეთქი, — ვუთხარი და ფლომასტერი ქალაღზე დაკუდე.

როცა მანქანა დავძარი, ფეხზე წამოიჭრა ყმაწვილი, ფლომასტერი მაღლა აეწია და მაღლობა მომადახა. გარუჯულსახეზე მხიარულება დასტყობოდა.

შოთა ნიშნინიძე

კასპში კი ძეგლი — უკუღმართი დროის დიდება, ვეებერთელას არა მახვილს, ჯავრს ეზიდება. ელვა-გრიგალი — დაკუნთული ჯგრო მუხის რკოთა ცდილობს ამოხტეს ბრინჯაოდან, ბუდიდან, დროდან... და თუმცა რიხი შეჭკორძვია ტანს ქვითკირივით, ლომის ბუხუნში ჩუმად ისმის კაცის ტირილიც...



ყველასთვის მეთქვა, როგორი იყავი შენ და არა მოსართავები. უბელო ცხენზეც რომ იჯდე, შენ შენა ხარ, გიორგი. შენი ბობოქარი ცხოვრება და შენ ერთად გაცოცხლდით ბრინჯაოში, აი, ხომ ხედავ, ხომ შენში უფრო ბორგავს სიცოცხლე, ვინემ აი, ვინემ აი, იმ ორ ადამიანში, შენ წინ რომ გამოჩნდნენ ჩემოდნებით ხელში. აი, გაჩერდნენ, შენ ვერც

გამოჩნდა მტვრიანი ავტობუსი თუნთუხითა და ხენეშით. უეცრად, საიდან, არ ვიცი, მაგრამ ყოველი მხრიდან გამოცვივდა ხალხი. შეიქმნა ომი ავტობუსზე ასასვლელად. გიორგის არაფრად უღირდა ასეთი პატარა ომების გადახდა. არც ამ მეომრებს შეუმჩნევიათ ნატანჯი გიორგის სახე. წავიდა ავტობუსი. დავრჩით კვლავ

„ვისაც სამშობლოსთვის უძვირეს ვუყოი,“



დასასრული. დასაწყისი გვ-2. ახალი აზრები, ახალი პრინციპები ისახებოდა. რაც მთავარია, მისი აფეთქების მიზეზი უნდა ვეძიოთ ქანდაკებისადმი სიყვარულში, რომელიც მშ-

ვენირად ჩანს ჩემი თაობის წარმომადგენლებში. იბადებოდა თაობა, რომელმაც ქანდაკებისადმი დიდი სიყვარული და თავისი ერისადმი დიდი პასუხისმგებლობა იწამა, ესენი იყვნენ

ძმები ოჩიაურები: ირაკლი და გიორგი, ეთერ კაკაბაძე, გურამ კორმახია, ელგუჯა ამაშუკელი, გულდა კალაძე, ჯუნა მიქაბაძე, მერაბ მერაბიშვილი, კარლო გრიგოლია, ვახტანგ ონიანი, ბორია ციბაძე, ლევან მხეიძე, გურამ ქავია და სხვები, რომელთა ქანდაკებები ამჟვენებს ჩვენი ქვეყნის მრავალ კუთხეს.

— რა გეხმარებათ შემოქმედებით მუშაობაში?
— ჩემი ქვეყნის სიყვარული.
— ალბათ, გსურთ, ხშირად ნახოთ თქვენი ქანდაკებები, გაფანტული მთელ საქართველოში. რამდენ ხანში ერთხელ ჩამოუვლით ხოლმე თქვენს ნახელავებს?

— ხშირად მიხდება ხოლმე ჩამოვლა. ზოგჯერ ისეთ გუნებაზე დავუყენებოვარ ჩემს ქანდაკებას, როგორც მშობელს დაბეჭეული შვილის ხილვა დააყენებს.

1606 წლის დასაწყისში გამეფდა ლუარსაბ მეორე. იგი ამ დროს 14 წლის ჭაბუკი იყო. წყაროები ლუარსაბს ახასიათებენ, როგორც წარმოსადევ და ლამაზ ვაჟაკს, უშიშარსა და მამაც მებრძოლს, მაგრამ გამოუცდელ პოლიტიკოსს და სუსტი ხასიათის ადამიანს. მისი, როგორც სახელმწიფოს მეთაურის, წინაშე კი უაღრესად რთული და დიდი ამოცანები იდგა.

მართლაც და მძიმე მდგომარეობაში იყო ქართლი. თურქების წინააღმდეგ წარმოებული ხანგრძლივი ომების შედეგად ქვეყანა გაჩანაგებული, მოსახლეობა შემცირებული და გაღარიბებული, ცენტრალური ხელისუფლება დასუსტებული და ფეოდალური ანარქია გაძლიერებული იყო. ქვეყანას მტკიცე ხელი და დიდი ორგანიზატორი სჭირდებოდა. ასეთი იყო გიორგი სააკაძე.

მკითხველმა იცის, რომ სააკაძე რამდენიმე წლის განმავლობაში იმყოფებოდა ოსმალეთში ტყვე მეფის სიმონის მხლებლად, სადაც მას საშუალება ჰქონდა დაკვირვებოდა და შეესწავლა არა მარტო თურქეთის სახელმწიფო წყობილება და საშინაო მდგომარეობა, არამედ იმდროინდელი ახლო აღმოსავლეთის საერთაშორისო ვითარებაც.

შემდეგ მან ირანშიც იმოგზაურა. 1606 წ. შაჰ-აბასმა ცოლად შეირთო ლუარსაბის და ლელა, რომელსაც მრავალრიცხოვანი ამაღლა გაჰყვა ირანში. პლატონ იოსელიანის გადმოცემით, ამ ამაღლაში გიორგი სააკაძეც ყოფილა. შაჰ-აბასს დიდი პატივით მიუღია გიორგი სააკაძე, რომლის პიროვნება მისთვის ცნობილი უნდა ყოფილიყო (შეიძლება, ისინი შეხვდნენ კიდევ ერთმანეთს ერევნის ალყის დროს 1604 წელს. (საფიქრებელია, რომ სააკაძე მეფე გიორგის ჯარში ყოფილიყო), შაჰს გიორგი

საყვარის ცდები ქვეყნის საშინაო მდგომარეობის განსამჯობებლად

სხვებთან ერთად უხვად დაჯილდოებული გამოუსტუმრებელი საქართველოში. ამრიგად, სააკაძეს საშუალება ჰქონდა გაცნობოდა ირანის ვითარებასაც და შაჰის იმდროინდელი მანქვეყნის ცენტრალიზაციის გასაძლიერებლად გამოიყენა (დიდი ფეოდალების ალაგმვა, „უგვარო“ მოხელეების დაწინაურება, ვაჭრობა-ხელოსნობისათვის ხელის შეწყობა და სხვა). თუმცა, გიორგისთვის შაჰის რეფორმები, რათქმა უნდა, მანამდეც ცნობილი იქნებოდა.

აქვე უნდა აღინიშნოს ისიც, რომ მეფე სიმონ პირველი, რომლის უახლოესი თანამებრძოლიც გიორგი სააკაძე იყო, დაულაღადავდ იბრძოდა საქართველოს ერთსამეფოდ გაერთიანებისა და სამეფო ხელისუფლების ცენტრალიზაციისათვის. სიმონის მოღვაწეობისათვის დამახასიათებელი იყო აგრეთვე „უგვაროთა“ წრიდან დაწინაურება დიდ სახელმწიფოებრივ თანამდებობებზე (გიორგის მამა-ბიძების მაგალითი). ეს ხდებოდა დიდ ფეოდალთა ინტერესების საპირისპიროდ, რომელნიც ქვეყნის ცენტრალიზაციის მოღვაწეებად ვერ გამოდგებოდნენ.

ამდენად, სააკაძე თავის შემდგომ მოღვაწეობაში სიმონ მეფის საქმის გამგრძელებლად გვეხატება. იქნებ ამიტომაც ქართველმა ხალხმა ორივე ეს შესანიშნავი მოღვაწე „დიდის“ ეპითეტით შეამკო — ერთი დიდი მეფე იყო, მეორე კი — დიდი მოურავი.

სააკაძე ლუარსაბის გამეფებისთანავე მისი უახლოესი მრჩეველი და თანამშრომელი შეიქნა. მალე იგი თბილისის მოურავად, ანუ ამირთ-ამირად დანიშნა მეფემ. გიორგიმდე

ეს თანამდებობა მამამისს — სიაუშს ეკავა. „დიდმოურავიანის“ მიხედვით, სიაუში 1605 წელსაც ცოცხალი ჩანს. თუ ეს ასეა, მაშინ იგი ლუარსაბის გამეფების შემდეგ მალე უნდა გარდაცვლილიყო. ყოველ შემთხვევაში, 1608 წელს თბილისის მოურავი უკვე გიორგია (და, მაშასადამე სიაუში უკვე ცოცხალი აღარაა). ამ წელს გიორგი პირველად იხსენიება თბილისის ამირთ-ამირად.

ძველ საქართველოში, არაბთა ბატონობის დროიდან, თბილისის მმართველს ამირთ-ამირა ეწოდებოდა. მას არა მარტო თბილისი, არამედ თბილისის შემოგარენის სოფლებიც ემორჩილებოდა. თავით აღმაშენებლის დროიდან ამირთ-ამირას მეფე ნიშნავდა. ამ თანამდებობაზე ჩვეულებრივ დიდი ფეოდალები ინიშნებოდნენ.

ამირთ-ამირას (ამირას) ქართულ წყაროებში ხშირად მოურავი ეწოდებოდა. ეს ტერმინიც ძველიდანვე იხმარებოდა, მაგრამ უფრო გავრცელებული პირველი იყო. მე-16 - მე-17 საუკუნეებიდან კი უცხოური წარმოშობის ამირთ-ამირა საბოლოოდ შეცვალა ქართულმა ტერმინმა — მოურავმა. ამასთანავე, მოურავის ფუნქციებიც ამირთ-ამირასთან შედარებით რამდენადმე შეიზღუდა.

მოურავი ქალაქის მმართველი იყო. მას ეკითხებოდა ქალაქის ყველა საქმე, როგორც იყო: სავაჭრო და სახელოსნო საქმეების მოწესრიგება, ნიხრების დაწესება და ბაჟის აკრეფა, გადასახადების განწილება და ალბა, სამოსამართლო საქმეების გარჩევა, სასამართლო გადაწყვეტილების სისრულეში მოყვანა, დამნაშავეების დაპატიმრება, უცხოელი სტუმრებ-

ის მიღება-დაბინავება, მათზე ზრუნვა და სხვა მრავალი.

მოურავს მრავალი ხელქვეითი მოხელე და ასასთარაზი ჰყავდა, რომელთა საშუალებით მართავდა ქალაქს. როცა იგი ქალაქში არ იმყოფებოდა, მის ფუნქციებს მოურავის ნაცვალნი (მოადგილე), ან რომელიმე სხვა მისი ხელქვეითი მოხელე ასრულებდა.

თბილისის მოურავს დიდი შემოსავალი ჰქონდა ქალაქიდან. პროფ. შ. მესხის გამოანგარიშებით, მისი წლიური შემოსავალი სამოთხათასამდე მანეთს აღწევდა. ამას გარდა, მას დიდძალი პროდუქტი შემოხდიოდა ბაჟისა თუ ძღვენის სახით.

მოურავი ყოველ დღით მოხსენებას უკეთებდა მეფეს ქალაქის მდგომარეობის შესახებ. ის სამეფო საბჭოს წევრი და, სურთოდ, მეფესთან ახლო მდგომი დიდი მოხელე იყო.

სააკაძე, ვახუშტის ცნობით, გარდა თბილისისა, ქალაქ ცხინვალისა და დვალეთის მოურავიც ყოფილა. ამის გამო იგი ეკონომიური მდგომარეობითა და პოლიტიკური უფლებებით მნიშვნელოვნად განსხვავდებოდა თბილისის ჩვეულებრივ მოურავთან.

მიუხედავად იმისა, რომ მოურავზე უფრო დიდი მოხელეები სხვები იყვნენ (სახლთუხუცესი, მდივანბეგი), სააკაძე ლუარსაბის მეფობაში თავიდანვე დიდ გავლენას ახდენდა სახელმწიფო საქმეებზე. ეს იყო შედეგი სააკაძის პირადი ნიჭისა და უნარისა, რომელიც უფრო ფართო სარბიელს მოითხოვდა, ვიდრე თბილისის ან თუნდაც რამდენიმე ქალაქის თუ პროვინციის მოურავობა იყო.

გივი ჯამბურია.

„ბედი მთელ ერს არ სწყალობდა...“

საქართველოსთან განუყრელად ვარდაკავშირებული, უკვე დიდი ხანია. თქვენში ავიდგი ფეხი, როგორც მეცნიერმა, თქვენმა ქვეყანამ, მისმა გმირულმა ისტორიამ, მრავალფეროვანმა ბუნებასა და მისმა მამაცმა ხალხმა ძლიერ დამაინტერესა და თავი შემაყვარა.

მოვლილი მაქვს მთელი საქართველო, მისი ყველა კუთხე: ყოფილვარ კახეთში, აჭარასა და გურიაში, სამეგრელოსა და რაჭა-ლეჩხუმში, მოვიარე აფხაზეთი, თუშეთი, ხევი და ხევსურეთი და დღეს ქართლში ვარ —

საქართველოს გულში. მე ყველგან მოცუბდა წარსულისადმი ის დიდი მოწიწება და პატივი, რაც ხალხშია შემონახული. სხვანაირად არც შეიძლება: როცა ერს ამდენი დიდი შვილი ჰყავს, შეუძლებელია მათი სახელი პატივისცემითა და სიყვარულით არ იყოს გარემოსილი.

ქართველი ხალხის საყვარელ გმირებს შორის გამორჩევა თქვენი თანამემამულე გიორგი სააკაძე. მისი ცხოვრება იყო ერისათვის თავდადება, მაგრამ მას ბედი არ სწყალობდა, ისევე როგორც მის ერს იმ

პერიოდში. დღეს კი იგი დაგვიბრუნდათ კასპელებს, როგორც ერის წინაშე ვალდებული მებრძოლი. ყოველთვის, როცა ვმოგზაურობდი თქვენს ქვეყანაში, ვხვდებოდი ადამიანებს, ვეცნობოდი მათ, კარგად ვგრძობოდი, რომ თითოეულ ქართველში გიორგი სააკაძის სისხლი ჩქეფს, მისი გული ძეგრს.

(სიტყვა წარმოთქვა ქართულ ენაზე).

ჰაინც ფენრიხი, გერმანელი ქართველოლოგი, იენის ფრ. შილერის სახელობის უნივერსიტეტის პროფესორი.

გმირის სახელობითი სტიპენდიანტები



კასპის მუნიციპალიტეტის მერის მოვალეობის შემსრულებელი თამაზ ტატანაშვილი და საკრებულოს თავმჯდომარე დავით ლეონიძე იმ სტუდენტებს შეხვდნენ, რომლებმაც ტარიელ

პის ყოფილი გამგებლის, პოლკოვნიკ ტარიელ შარიფაშვილის სახელობის სტიპენდია. შეხვედრის მონაწილეებმა წუთიერი დუმილით პატივი მიაგეს დაღუპული გმირის ხსოვნას.



შარიფაშვილის სახელობის სტიპენდია მოიპოვეს. მუნიციპალიტეტის ხელმძღვანელებმა წარმატებულ სტუდენტებს დამსახურებული სტიპენდია მიულოცეს და შემდგომი წარმატებები უსურვეს. 2019 წელს კასპის მუნიციპალიტეტის მერიამ მუნიციპალიტეტში მცხოვრები წარჩინებული სტუდენტებისთვის დააწესა საქართველოს ტერიტორიული მთლიანობისათვის დაღუპული კას-

სტუდენტებმა მადლობა გადაუხადეს მუნიციპალიტეტის ხელმძღვანელებს არამარტო სტიპენდიისთვის, არამედ საჯარო სკოლის კურსდამთავრებული მედალოსნების ყოველწლიური ჯილდოსთვის. გამოთქვა სურვილი ტარიელ შარიფაშვილის დაბადების დღეზე 20 დეკემბერს - მისი ხსოვნის უკვდავად მივიღწინოთ მის საფლავზე.

სასმელი წყლის მოწყობის სამუშაოები

სოფელ გუდალეთში, თავგიაშვილების უბანში სასმელი წყლის მოწყობის სამუშაოები მიმდინარეობს.

პროექტი ითვალისწინებს ფილტრატის და მაგისტრალის მოწყობას.

სამუშაოები

“სოფლის მხარდაჭერის” პროგრამის ფარგლებში ხორციელდება და 3 4559 ლარით ფინანსდება.

პროექტის დასრულების შემდეგ უბანს, რომელსაც ი/მ არჩილ ყოჩიშვილი აწარმოებს, წყლის მიწოდების პრობლემა მოეხსნება.



კასპის საზოგადოებრივი ცენტრი გაიხსნება

კასპში სახელმწიფო სერვისების განვითარების სააგენტოს მიერ საზოგადოებრივი ცენტრი გაიხსნება.

იუსტიციის სამინისტროს მმართველობის სფეროში მოქმედი საჯარო სამართლის იურიდიული პირი, სახელმწიფო სერვისების განვითარების სააგენტო, ბოლო რამდენიმე წელია, აქტიურად მუშაობს ადგილობრივი თვითმ-

მართველობების შესაძლებლობების გაზრდის ხელშესაწყობად.

საქართველოს მთავრობამ მრავალი მნიშვნელოვანი რეფორმა განახორციელა საჯარო სექტორში თანამედროვე საინფორმაციო ტექნოლოგიების გამოყენებით. შედეგად, ქალაქებსა და მუნიციპალურ ცენტრებში, მოსახლეობას საშუალება აქვს, ისარგებლოს ხარისხიანი სერვისებით.

რეაბილიტაციის ეზოს სამუშაოები

კასპის მუნიციპალიტეტში დაიწყო სოფლების ყარაფილა-სარიბარი-ზადიანთკარის, თბილისი-სენაკი-ლესელიძეს ჩქაროსნულ მაგისტრალთან შემაერთებული გზების სრული რეაბილიტაციის ეტაპის სამუშაოები.

გზაზე მოეწყობა რკ/ბეტონის კიუვეტები, ლითონის ცხაურები, ეზონის შესასვლელები, დაიგება ასფალტის საფარი და საგზაო ნიშნები.

გზის სიგრძე 4200 გრძივი მეტრია.

სამუშაოები დაფინანსდა რეგიონალური განვითარების ფონდისა და მუნიციპალიტეტის ადგილობრივი ბიუჯეტის მიერ.

მასზე 2 550 000 ლარი იხარჯება, რომლის სამუშაოებს ელექტრონულ ტენდერში გამარჯვებული შპს “იბოლია” ახორციელებს.

აღნიშნული სოფლები ოკუპირებული ტერიტორიების გამყოფი ხაზის მიმდებარე სოფლებია, ამიტომ პროექტი განსაკუთრებული მნიშვნელობისაა, ხოლო ზადიანთკარი მაღალმთიანი სოფელიცაა.

სამუშაოების დასრულების შემდეგ რეაბილიტირებული გზით ისარგებლებს 1000-ზე მეტი ბენეფიციარი, ასევე უცხოელი დამკვირვებლებიც.



სოფელ სოვლეს ბაზილიკის სამუშაოები დაიწყო

სოფელ სოვლეში გაიხსნა 38 000 გრძივი მეტრი მაგისტრალის სამუშაოები დაიწყო. პროექტი ითვალისწინებს მკვებავი მაგისტრალის, შიდა ქსელების და საუბ-

ელექტრონულ ტენდერში გამარჯვებული შპს კომპანია “კავკასიონი” ახორციელებს. პროექტის ღირებულება 1 083 888 ლარია. ხელშეკრულების პირობების შესრულებაზე



ნო გაზგაყვანილობის მოწყობას.

სამუშაოებს შპს საქართველოს გაზის ტრანსპორტირების კომპანიის მიერ შექმნილი ინსპექტირების ჯგუფი.

კონტროლს ახორციელებს შპს საქართველოს გაზის ტრანსპორტირების კომპანიის მიერ შექმნილი ინსპექტირების ჯგუფი.

სოფელ ოკამში



სოფელ ოკამში საბავშვო ბაღის რეაბილიტაციის და გათბობის სისტემის მოწყობის სამუშაოები დასრულდა.

შენობაში შეიკეთა ალალა წყალმომარაგების, კანალიზაციის, ელექტროგაყვანილობის სისტემები, სახურავი, კარ-ფანჯრები, იატაკი და კეთილმოეწყო

ეზო. სამუშაოები კასპის მუნიციპალიტეტის მერიამ ადგილობრივი ბიუჯეტიდან დააფინანსა და მასზე 132 235 ლარი დახარჯა.

საბავშვო ბაღის რეაბილიტაცია შპს “მოურავმა” განახორციელა.



ბიზნესი, გაეცნოთ საინჟინერო, საქმიან და მნიშვნელოვან ცვლილებებს ქვეყნისა და მუნიციპალიტეტის ცხოვრებაში? გამოიწვიეთ „ახალი განთიადი“, გახდით ჩვენი მკითხველი!



ახალი სასწავლო წლის დადგომამდე რამდენიმე დღით ადრე კასპის მოსწავლე-ახალგაზრდობის სახლის /მენეჯერი ლელა პეტრიაშვილი/ ისტორიის წრის წევრებმა მარიამ მერებაშვილმა და ნანა ილურიძემ, რომლებსაც პატარა ბარბარე ჩარავეც შეუერთდა /ექსკურსანტებს თან ახლდა მოსწავლეთა სახლის ლიტერატურის წრის ხელმძღვანელი მანანა ყაბანაშვილი/, გულისწადილი შეისრულეს... საქმე ის გახლავთ, რომ ისტორიის წრის ხელმძღვანელის ნანა მერებაშვილის მოწადინებითა და ხელშეწყობით მოსწავლეები აგვისტოს მიწურულს კასპელ ხელმარჯვე ქალბატონებს ქეთევან ღვინიაშვილსა და ქეთევან ნონიაშვილს სახლში ესტუმრნენ. ბავშვები იქ ნანახმა მხატვრული რეწვის



ნიმუშებმა, გულთბილი მასპინძლების ხელით დამსვენებულმა და საგულდაგულოდ მოვლილმა კარ-მიდამომ, უიშვიათესი ყვავილნარით მორთულმა დეკორაციებმა ერთბაშად მოხიბლა და განაცვიფრა...
— მოგესენებათ, ხალხური რეწვა, ტრადიციული, ქართული ხელსაქმე, უამრავი ფერებით დამსვენებული ნაქსოვ-ნაქარავი, ორიგინალური ნახატები, ათასგვარი ხელნაკეთი ნივთი, ბევრის ყურადღებას იზიდავს, — საუბრობს ნანა მერებაშვილი, — ამ თემებით ჩვენი წრის მოსწავლეები

ყოველთვის იყვნენ დაინტერესებული და ამიტომ გადავწყვიტეთ, ეს შანსი /რადგან მასპინძლები უყოფმანოდ დაგვთანხმდნენ/ ხელიდან არ გავკეშოთ, ახლოს გავცნობოდით ამ არაჩვეულებრივი ქალბატონების ფანტაზიის ნაყოფს, უფრო

აკვირდებოდნენ თითოეულ დეტალს, სვამდნენ შეკითხვებს, გამოთქვამდნენ თავიანთ მოსაზრებასა და კმაყოფილებას, მოწონებას, რაც ყველაზე მთავარია, გულდასმით ისმენდნენ მასპინძლების ნაამბობს:
ქეთევან ღვინიაშვილი, მერებაშვილი — როგორც კი საოჯახო საქმეს თავს დავალწვევდი, საყვარელ საქმეს ვუთმობდი დროს, რომელზედაც მთელი ცხოვრება ვოცნებობდი, ეს არ გახლდათ მხოლოდ გატაცება, მერე და მერე საბოლოოდ დავრწმუნდი, რომ ეს იყო მოთხოვნილება, ჩემი სულიერი სამყაროს გამოძახილი... ამდენად, სულაც არ

მეტიც, ყველამ ერთად ვიხილეთ უჩვეულო, “ხელოვანების” სიკეთითა და სიყვარულის სხივებით გამთბარი მათეული ჯადოსნური სამყარო.
ბავშვები თვალს ვერ აცილებდნენ ნაირ-ნაირ საყვავილებებსა და ქონებს, ნატყფი ხელით შესრულებულ ნაქსოვებს და კალათებს, ნაქსოვ-ნაქარავებს, ულამაზეს ქართულ ორნამენტებს, მოძცრო სკივრებსა და პაწაწინა ზარდახშებს, შანდლებს...

აქ ყველაზე ყურადღაღები და მნიშვნელოვანი ის არის, რომ ბავშვები ძალიან დაინტერესდნენ,

გამკვირვებია, როდესაც ამ საქმეში ჩემი თანაზიარი გახდა ჩემი ქალიშვილი თამარი, ახლა იგი ქარავის ასოციაციის წევრია, აქვს უამრავი ნამუშევარი და ხშირად აწყობს ნაქსოვ-ნაქარავებისა და მხატვრული რეწვის გამოფენებს.
ქეთევან ღვინიაშვილი: — 1981 წლიდან კასპელების რძალი ვარ, ბავშვობიდან მიზიდავდა ხელსაქმე, მგონი ხუთი წლის ვიქნებოდი, როდესაც ჩემს თოჯინას ლამაზი კაბა შევუკერე, კერვა, ქსოვა და ქარავა არასოდეს მიმიტოვებია. ბევრს მოეწონა ჩემს მიერ დამზადებული ბუნრის სამშენის დეკორატი-

ული ხე, რომლის დერო ზღვიდან გამორიყული ეკალიპტის ძირისგანაა დამზადებული, მის გარშემო შემოვავლე მანულის წნული ღობე და როგორც ჩემს მშობლიურ ოზურგეთში ეძახიან კოპწია კიბე — “ალაგე” მივუდგი.
მოკლედ, სტუმარ-მასპინძელმა ვერც კი შენიშნა როგორ გავიდა დრო, ვიდრე დაეშვიდობებოდნენ ერთმანეთს, მოსწავლეებმა მარიამ მერებაშვილმა და ნანა ილურიძემ მოკრძა-

სკოლშიაო ხელოვნური ოსტატივითა

ლებით სთხოვეს ტრადიციული ხელსაქმის ოსტატებს, რომ დაეხმარონ ბავშვებს ხელსაქმის შესწავლაში და რასაკვირველია, კეთილშობილი ქალბატონები ულაპარაკოდ დაითანხმეს... ამ ლამაზი დღის ნაყოფიერი შედეგი ის არის, რომ ხელსაქმის შესასწავლად მარიამ მერებაშვილი ოსტატს უკვე რეგულარულად აკითხავს.

კასპის მუნიციპალიტეტის კულტურისა და სახელოვნებო სკოლების დაწესებულებების გაერთიანება.



სოფლის უკვდავსაყოფად

ქალაქის ცენტრში, დიდების მეორიალთან 27 სექტემბერს ქართული მიწის დასაცავად მამაცურად დაღუპული მეომრების უკვდავსაყოფად შეიკრიბნენ კასპელი მოსწავლეები და ახალგაზრდები, ჩვენი

„მამულის უპირველესი გული ყოველისა..“

ქალაქის საზოგადოებრიობის წარმომადგენლები, ომისა და შრომის ვეტერანები... საქართველოს ტერიტორიული მთლიანობისათვის

ბრძოლაში დაღუპულთა უკვდავსაყოფად აქ მოვიდნენ კასპის მუნიციპალიტეტის სახელოვნებო სკოლების გაერთიანებასთან არსებული მოსწავლე-

ახალგაზრდობის სახლის ისტორიისა და მხარეთმცოდნეობის წრის /ხელმძღვანელი ნანა მერებაშვილი/ ბავშვებიც, რომლებმაც ყვავილებით შეამკეს დიდების მეორიალი.

შემდეგ კი მოსწავლეებმა უჩა გოგოლაძემ, ნანა ილურიძემ, ბარბარე ჩარავემა და ნინო ბერუაშვილმა მხატვრულად წაიკითხეს ლაღო ასათიანის, კოლაუ ნადირაძის, ელგუჯა მალრაძის პატრიოტულ თემაზე შექმნილი ლექსები. ამაღლებულად, ორიგინალურად აუღერდა ნანა ილურიძის მიერ წარმოთქმული ლოცვა: “ღმერთო ძლიერო და კაცთმოყვარეო, დალოცე და დაიფარე ქართველთა და აფხაზთა მშვიდობა და ერთობა... შეგვიხმე ყოველნი უსჯულოე-

ბანნი ჩვენნი, მოგვიტყვენ უნდობლობა და სიბუღვილი, ძმათა სისხლისღვრა და შურისძიება.

ღმერთო ძლიერო, ალგვიდგინე ურთიერთნდობა და სიყვარული, ურთიერთთავგანწირვა და მიმტყველობა, ურთიერთპატივისცემა, მოგვივლინე სასწაული და დედა საქართველოს კალთას დაუბრუნე წართმეული აფხაზეთი” — ეს ვედრებასავით წარმოთქმული მოსწავლეების გულისძახილი მეომრიალთან შეკრებილმა დამსწრე საზოგადოებამ დიდი ემოციებით აღიქვა.

კასპის მუნიციპალიტეტის კულტურისა და სახელოვნებო სკოლების დაწესებულებების გაერთიანება.

არჩევანი თქვენ!



ობას 18 წლის გოგობიჭები. მათ ჯერ არ განელებათ სკოლის მერხიდან გამოყოფილი თავგადასავლის ხალისი, სკოლის დერეფნების სინათლე. თქვენს პირველ არჩევანს დაგილოცავთ ძვირფასებო! ღე,



იყოს ის შეუმცდარი და წარმატებული! იცოდეთ! თქვენ უკვე დაგეწყით სამშობლოსათვის აქტიური მოქმედების დრო!



ფეხბურთი

კასპის საუბნო გუნდმა „გენერალმა“ ქალაქის საფეხბურთო სტადიონის ხელოვნურსაფარიან მოედანზე წარმატებით დაიცვა მუნდირის ღირსება. სამხედრო წოდების სახელდებიდან გამომდინარე თუ ვიმსჯელებთ, ასეა. ქალაქის სამი უბნისა და სოფლების გუნდების 2-ჯგუფიანი გათამაშება 6 სექტემბერს დაიწყო და 10 ოქტომბერს დასრულდა.

„გენერალი“ თავიდანვე ფავორიტად მოიაზრებოდა და, აი, რატომ: გუნდის ძირითადი ბირთვი ნაცადი მოთამაშეები არიან, მათ ფუტსაღის (ანუ დარბაზის) პარკეტის მოედანზე უთამაშო და მათი უმეტესობა საქართველოს პირველობის მე-5 ლიგაში მოასპარევე „კასპის“ გუნდში ახლაც გაბოძის. ამდენად, „გენერალმა“ საკუთარი გულშემატყვირის მოლოდინიც გაამართლა და საპატიო სახელიც, რომელიც სახელოვანი ქართველი გენერლის - გიორგი მაზნიაშვილის ხსოვნის საპატივსაცემოდ ქვია.

„გენერალი“ კენჭისყრით „ა“ ჯგუფში მოხვდა და ყველა მეტოქეს ფიცხელი ბრძოლა გაუმართა, უნდა ითქვას, რომ ვერც ერთმა სათანადო მეტოქეობა ვერ გაუწია. ამაზე გუნდის შედეგიანობაც მოწმობს: პირველ თამაშში სოფელ ლამისყანის გუნდი დაჯანა 10:1-ზე, შემდეგ ალაიანს მოუგო 7:3, მესამე ტურში კი სასირეთის (თვით გენერალ მაზნიაშვილის მშობლიური სოფლის წარმომადგენელი) გუნდით არ დაინდო - 9:1. აი, მეოთხე თამაშში კი არც გაუმართავს, რადგანც მანამდე სამმარცხენულმა ზემო ხანდაკმა „უსიტყვო კაპიტულაცია“ გამოაცხადა, ეი. აღარ ეთამაშა, ამიტომ, ცხადია, „გენერალს“ ტექნიკური მოგება მიეკუთვნა (5:0) და ჯგუფში ლიდერის პოზიცია 100-პროცენტისა შედეგით დაიკავა: 4 მოგება და 12 ქულა, ბურთები 31:5.

გუნდის ბომბარდირები გახდნენ თორნიკე თავგიაშვილი 8 გოლით და ვალერი ზანგური 6 გოლით. მათ ყველა თამაშში გაიტანეს ბურთები, ხოლო დანარჩენი კიდევ 9 ფეხბურთელის წილად მოდის.

„გენერალმა“ ჯგუფურ ეტაპზე ნაჩვენები შედეგიანობის ნიშნული

„გენერალი“, მისტიკის შიდაპირულოვის გამარჯვებულია



არც პლეიოფურ მატჩებში დაუშვა დაბლა. გათამაშების დებულების თანახმად აქ მისი პირველი მეტოქე აღმოჩნდა სოფელ ქვემო გომის გუნდი, რომელიც „გ“ ჯგუფში მეოთხეადგილოსობას დასჯერდა. მან ვერც აქ გაუწია თანაბარი წინააღმდეგობა „გენერალს“ და 3:8-ზე დამარცხდა. ამით „გენერალი“ პირველი გავიდა ნახევარფინალში. საინტერესო და რამდენადმე მოულოდნელი სიტუაცია გათამაშდა „გ“ ჯგუფში, სადაც ახალქალაქი-მეტეხის გაერთიანებულმა გუნდმა საპლეიოფო შეხვედრა კი მოუგო სა-



სირეთის გუნდს (6:5), ანუ პირველადგილოსანმა მეოთხეადგილოსანს, მაგრამ იმის გამო, რომ მინდორზე განუცხადებელი მოთამაშე გაიყვანა, შეჯიბრების საორგანიზაციო ჯგუფმა მოგება გაუუქმა და სასირეთის გუნდმა, ტექნიკური მოგების წყალობით, გაუთვალისწინებლად მოიპოვა ნახევარფინალის საგზური.

10 ოქტომბერს, შეჯიბრების დასკვნით დღეს, ნახევარფინალისტი გუნდები შემდეგნაირად დაწყვილდნენ: სასირეთისა და „გენერალის“ გუნდები კვლავ შეიყარნენ კენჭისყრით, ხოლო მეორეში ერთმანეთს დაუბირისპირდნენ სოფელ ალაიანისა და კასპის „ვარჯაანის“ მოთამაშეები.

„გენერალმა“ 5 ბურთზე ნაკლები არც ამჯერად გაიტანა სა-

სირეთთან და გზა გაიხსნა ფინალისაკენ. აქ სათამაშოდ ალაიანელებმა 2:1-ით მოგება იკმარეს ვარჯაანთან პაექრობაში და უნდა ითქვას, რომ ქსნისპირელმა მოთამაშეებმა გადამწყვეტ შეხვედრაში, მართლაც, ყველაზე ღირსეული წინააღმდეგობა გაუწიეს ძლიერ მეტოქეს, მაგრამ ვერა, თავს ზემოთ ძალა არც მათ აღმოაჩინდა, ერთი ვეა, 4-ზე მეტი ბურთი არ გაატანინეს.

ასე და ამრიგად, ფინალური მატჩი („გენერალი“ - ალაიანი) დამთავრდა ანგარიშით 4:1. გამარჯვებულთაგან გოლების ავტორები არიან: ნიკა ბურდული (2 გოლი), ვალერი ზანგური და თორნიკე თავგიაშვილი.

აი, მუნიციპალური პირველობა - 2020-ის ჩემპიონი გუნდის შემადგენლობა: დავით პარკაძე, ბექა და გიორგი დაბრუნდაშვილები, ლევან გამხიტაშვილი, ვალერი ზანგური, ვალერი ქსოვრელიშვილი, თორნიკე თავგიაშვილი, შოთა მერეზაშვილი, თორნიკე ბოლოთაშვილი, ნიკა ბურდული, ზაზა ჯალალი, ტარიელ ღვინიაშვილი, გიორგი უნგაძე და გიორგი გაბიდაური.

მაგრამ, ამით არ დასრულებულა მასტერლიგის ევდიტ გამართული პირველობა. მას აქვს შემდგომი ეტაპიც: „გენერალს“, როგორც შიდამუნიციპალურ შეჯიბრებაში გამარჯვებულ გუნდს, ასპარეზობა მოუწევს შიდა ქართლის დანარჩენ სამ ჩემპიონ გუნდთან, ანუ გორის, ხაშურისა და ქარელის ჩემპიონებთან.

მათ შორის უძლიერესის ვინაობა, როგორც ფეხბურთი - 7:7-ის მასტერლიგის ასოციაციის პრეზიდენტმა აკაკი ხლაბუსტოვმა განაცხადა ჩვენს ქალაქში სტუმრობისას, კასპის სტადიონზე გაირკვევა უახლოეს ხანებში.

საჩუქარი

სოფელ თელიანის საჯიდაო დარბაზს ამას წინათ დედაქალაქიდან სტუმართა ჯგუფი ეწვია, თანაც, საჩუქრით ხელდასმევენებული. მათნაირი კეთილი და მეოხი სტუმრები, ნეტა, სხვა სოფლების საჯიდაოებში მომეტადინე და მოვარჯიშე პატარა მოჭიდავეებსაც გამოუჩინდებოდნენ, დასაჩუქრებდნენ და გაახარებდნენ.

დიახ, ფაქტი, რაზეც მოგახსენებთ, ასეთია: ფრიად შესანიშნავი სასაჩუქრე პროექტი განახორციელა თბილისში მოქმედმა არასამთავრობო ორგანიზაციამ „ჭელფინ ჰენდი“. გვესაუბრება პროექტის „ახალგაზრდული მოხალისეობა კოვიდ - 19-ის საპასუხოდ საქართველოში“ ასისტენტი სოფო დარჩია:

— არასამთავრობო ორგანიზაცია „ჭელფინ ჰენდი“ მოხალისეობრივ ახალგაზრდულ პროექტს ინიციატორებს და მოთავეებს გაეროს ბავშვთა ფონდის მხარდაჭერით და ახალგაზრდობის ეროვნული სააგენტოს ჩართულობით. პროექტის ფარგლებში გაერთიანებულია 150-ზე მეტი ახალგაზრდა, მათ სათანადო სწავლება გაიარეს და თავიანთ თემებში, სოფლებსა და ქალაქებში უკვე დაიწეს კონკრეტული პრობლემების წამოწევა და იდენტიფიცირება. ყოველი მათგანის საქმიანობის სფერო მრავალფეროვანი და განსხვავებულია, მათი პირადი სურვილისა და საკუთარი რესურსის შესაბამისად.

წარმოგიდგინოთ ახალგაზრდას - ალექსანდრე ივანიშვილი და გიგა ბერიაშვილი. ისინი არიან ჩვენი პროექტის პირველი მოხალისეები კასპის მუნიციპალიტეტში, კერძოდ, მშობლიურ სოფელში. დღეს მათ თელიანელ ნორჩ მოჭიდავეებს საჩუქრად კომონოს 20 კომპლექტი ჩამოუტანეს.

20 კომპლექტი კომონო „კელფინ ჰენდის“, მოხალისეობისათვის

აი, ისინიც, ესოდენ კეთილშობილური ღონისძიების სულისჩამდგემლები:

ალექსანდრე ივანიშვილი - ის არის საქართველოს პრიზიორი ჭიდაობა ძიუდოში (ახალგაზრდებს შორის). მან წელს დაამთავრა საქართველოს ფიზიკური აღზრდისა და სპორტის სახელმწიფო სასწავლო უნივერსიტეტი სპეციალობით „სპორტის მენეჯმენტი“. ამჟამად სპორტის მასწავლებლად მუშაობს ქ. თბილისის №97 საჯარო სკოლაში.

გიგა ბერიაშვილი - საქართველოს მრავალგზის პრიზიორი ქართულ ჭიდაობაში, ძიუდოსა და სამბოში, ევროპის თასის გათამაშების პრიზიორი (2012 წ.), ასევე, არჩილ ჩოხელის ხსოვნის მემორიალური საერთაშორისო ტურნირის 3-გზის გამარჯვებული. მან, აქტიური სასპორტო კარიერის პარალელურად, დაბა წყნეთში შექმნა ძიუდოს სკოლა „მძლეთა“.

ამასთან ერთად, გახლავთ საზოგადოებრივი წესრიგის დაცვის სახელმწიფო უწყების წარმომადგენელი და უკავია ინსპექტორ-გამომძიებლის პოზიცია. მასაც, როგორც ხსენებული პროექტის თანაორგანიზატორ ალექსანდრე ივანიშვილი და მშობლიური სოფელი და იქაური ძველი საჯიდაო, სადაც არაერთი სახელოვანი მოჭიდავე დავაუკაცდა, მაგალითად: საქართველოს, ევროპისა და მსოფლიო ჩემპიონები და პრიზიორები - ძმები ამირან და ჯაბა პაპინაშვილები, ირაკლი დემეტრაშვილი... აკი, თავის დროზე თვითონაც ამ არენის კედლებში დაფრთიანდნენ.

ახლა კი თანასოფელი ჭაბუკებისა და ბიჭუკელების ჯერია და იმედია, ქართული სპორტის სასახელებლად ახალთაობელთა მძლავრი ტალღა კვლავაც წამოვა, ოღონდ, საჭიროა მათი დახმარება, მხარდაჭერა, ხელშეწყობა იმ კეთილი ადამიანების მეშვეობით, ვისაც შეუძლია თანადგომა ნორჩების სპორტული სამოსის გადაცემის, საჭიდაოს სარემონტო და გაახლებითი საშუალების ჩატარების სახით...

დიახ, ალალი და უსაყვედურო ყოფილიყოს ზომა-ზომაზე მორგებული ცინცხალი თეთრი-ლურჯი ფერის კომონოები თელიანელ მომავალ ჩემპიონებზე: ოთარ გოდერძიშვილზე, ცეზარ ნავალიშვილზე, ლევან ნონიაშვილზე, ნიკა ლაფერაშვილზე, ვაკო ბერიძეზე, გიორგი მაზნიაშვილზე, ბექა ლაფერაშვილზე, გიორგი მინანაშვილზე, ლევან ბერიაშვილზე, გიორგი ქვიციანიშვილზე, გოგა გრიჭულიაშვილზე, გიორგი ბიძინაშვილზე, გიგი ქვიციანიშვილზე.

ესოდენ მისასალმებელი ღონისძიების ავტორებს გულითადი სამადლობელი მოახსენეს კასპის სპორტის დაწესებულებების გაერთიანების (დირექტორი - ვეტერანი მოჭიდავე, მსოფლიო ჩემპიონი ჭიდაობა სამბოში ბადრი ჯანიაშვილი) დირექტორის მოადგილემ იოსებ მაძულაშვილმა და სოფელში ამავე გაერთიანების ძიუდოს სექციის მწვრთნელმა ვასილ ქვიციანიშვილმა.

პ.ს. „საჩუქარი უნდაო“ - შეგვახსენებს ქართული ანდაზა. დასაჩუქრებულები მომავალში სასპორტო გამარჯვებებით გადაიხდნენ ამაგს.



მიზანი - ცორობის განვითარება

გიორგი ხორგუაშვილის სახელობის კასპის მხარეთმცოდნეობის მუზეუმმა აქტიური მონაწილეობა მიიღო ქვეყნის მასშტაბით გამართულ საგრანტო ხუთწლიან კონკურსში, რომელსაც აფინანსებს იუსაიდი და დიდ წარმატებასაც მიაღწია. მოკლედ, საგრანტო პროექტი "ზრდა" მიზნად ისახავს ჩვენი ქვეყნის როგორც კერძო, ასევე საჯარო მუზეუმების მხარდაჭერას ადგილობრივი და საერთაშორისო ვიზიტორების მოზიდვის მიზნით. საგრანტო პროექტი "ზრდა" მონაწილეობისათვის, პროგრამის პირველ ეტაპზე შეირჩა საოკუპაციო ხაზთან ახლოს მდებარე მუზეუმები, როგორც შიდა ქართლში, ასევე სამეგრელოს რეგიონ-

ში და სულ დაფინანსდა ცამეტი საუკეთესო პროექტი რა თქმა უნდა, დაფინანსებულ მუზეუმებს შორის ცნობილი გახდა კასპის მხარეთმცოდნეობის მუზეუმიც. - მოგეხსენებათ, რომ ჩვენი დაწესებულება შეირჩა იმ მოტივით, როგორც საოკუპაციო ზოლთან მოსაზღვრე ადმინისტრაციულ ერთეულში მდებარე მუზეუმი და ბუნებრივია, ამ კონკურსის პროგრამის შესწავლასა და დაგეგმარებას განსაკუთრებული ძალისხმევა და ყურადღება დაუთმეთ, - აცხადებს კასპის მხარეთმცოდნეობის მუზეუმის დირექტორი გიორგი ჩაღუნელი, - თავდაპირველად შევქმენით სამუშაო ჯგუფი, ამდენად, ჩემთან ერთად პროექტზე მუშაობდნენ ჩვენი თანამშრომ-

ლები გვანცა კელაპტრიშვილი, თეა ბიჭიკაშვილი და ხატია ხორგუაშვილი, რასაკვირველია, სამუშაო ჯგუფს გვერდში ედგა მუზეუმის თითოეული წევრი, ისე რომ მთელი მუზეუმი იყო მობილიზებული, მეტიც, ძალიან მონდომებული რათა ეს პროექტი წარმატებით დასრულებულიყო. მართალია, სამუშაო ჯგუფის წევრებს პანდემიამ შეუშალა ხელი და პროექტზე მუშაობა რამდენიმე თვის შეფერხდა /ასე იყო მთელი ქვეყნის მასშტაბით/, მაგრამ ივნისში, დისტანციურ-ონლაინ ტრენინგების დახმარებით როგორც კი განახლდა პროცესი, სულ მოკლე ხანში განახლებული, სათანადო დონეზე შემუშავებული კასპელთა პროექტი ჩაბარდა საგრანტო კომისიას. თვენახევრის ლოდინის შემდეგ კასპის მხარეთმცოდნეობის მუზეუმმა მიიღო

სასურველი და ფრად სასიხარულო ინფორმაცია: ჩვენი მუზეუმი "ზრდა" პროექტისაგან მიიღებს დაფინანსებას 27 ათასი ლარის ოდენობით და აგრეთვე, პროექტის ფარგლებში მუზეუმს თანადაფინანსებას /3000 ლარის ოდენობით/ გაუწევს კასპის მუნიციპალიტეტის მერია. საბოლოოდ კი, აღნიშნული დაფინანსება მოხმარდება მრავალფუნქციური საგანმანათლებლო და სამეცნიერო სივრცის მოწყობას ტექნოლოგიურად მოწინავე მოწყობილობებით. საგრანტო პროექტის მთავარი მიზანია ხომ ეს არის, ტურიზმის სექტორის განვითარების ხელშეწყობა, პროექტის სამიზნე გეოგრაფიულ არეალში არსებული ბიზნესების ზრდითა და გაძლიერებით, ვიზიტორების მოზიდვით.

მოკლედ...

* კალათბურთი: ქ. გორის ცენტრალურ მოედანზე ამას წინათ რამდენადმე უჩვეულო სასპორტო შეჯიბრება ჩატარდა: შიდა ქართლის მუნიციპალიტეტებისა და ქ. თბილისის მოყვარულ კალათბურთელთა გუნდებმა სახელდახელოდ გააწყვეს კალათბურთის ფარები და მხარის პირველობა გაითამაშეს კალათბურთში (3X3). იქ საასპარეზოდ კასპიდან 2 გუნდი წავიდა. მათგან ერთი უფრო მარჯვე გამოდგა და მე-3 საპრიზო ადგილი დაიკავა (აღსანიშნავია, რომ ფინალში გასასვლელი თამაში დათმო პირველობის მომავალ ჩემპიონთან, თბილისის გუნდთან). გორის საკალათბურთო

ტურნირში "კასპერის" სახელით გამოდიოდნენ: ტატო მემველაშვილი, ვახტანგ ჩხეიძე, გურამ ბლუაშვილი, უშანგი მოსიაშვილი, ლაშა მამულაშვილი, ლუკა ხორგუაშვილი, საბა დაბრუნდაშვილი და შალვა შალუტაშვილი. * კარატე: ტელეკომპანია "რუსთავი - 2"-ის დილის სპორტულ გადაცემაში მიწვეული იყო ქ. თბილისის ნაკრები გუნდი (კახა ბასილიას თავკაცობით). აღსანიშნავია, რომ მასში მონაწილეობისათვის კასპიდან საგანგებოდ მიწვიეს სპორტკაერთიანების საბრძოლო ხელოვნებათა კლუბი "კასპის" ნორჩი სპორტსმენები. მწვრთნელმა ალექსანდრე მანძულაშვილმა სატელევიზიო გადაცემაში მონაწილეობისათვის თან იახლა

შევირდების ჯგუფი: მარიამ მანძულაშვილი, საბა ლვალაძე, ზურაბ გოგიაშვილი, თამაზ და დემეტრე ნაროზაშვილები. * საქმიანი შეხვედრები: კასპის სპორტდაწესებულებების გაერთიანების დირექტორის მოვალეობის შემსრულებელი ბადრი ჯანიაშვილი განაგრძობს გაცნობითი ხასიათის საქმიან შეხვედრებს სპორტის სხვადასხვა სახეობის მწვრთნელებთან, მენეჯერებთან, სპორტსმენებთან. ორმხრივად სასარგებლო დიალოგებით განიხილება პანდემიითარებიდან გამოძინარე სადღეისო საკითხები, სახვალთო გეგმები და ამოცანები. კასპის მუნიციპალიტეტის სპორტის დაწესებულებების გაერთიანება.

ელახიყური მუსიკის IX ეროვნულ ფესტივალზე



ზაფხულის მიწურულს კასპის მუნიციპალიტეტის

სახელოვნებოსკოლების გაერთიანებასთან /დირექტორი ლალი ჯანჯალაშვილი/ არსებული სამუსიკო სკოლის გუნდი მიწვეული იყო ქალაქ ბორჯომში გამართულ კლასიკური და ხალხური მუსიკის IX ეროვნულ ფესტივალზე... ქალაქის ცენტრალურ პარკში, ღია ცის ქვეშ გამართულ

სანახაობრივ კონცერტს ბევრი მაყურებელი ესწრებოდა. უცხო ტურისტების გარდა აქ იყვნენ საქართველოს სხვადასხვა რეგიონიდან მოწვეული სტუმრები, მუსიკოს-შემსრულებლები, ქართული ფოლკლორისა და ხელოვნების თაყვანისმცემლები. - წელს უკვე მეხუთედ მივიღეთ მონაწილეობა ამ პრესტიჟულ ფესტივალზე, ძალიან მაღალი ვართ, უდიდეს მადლობას ვუხდით

ჩვენი მუნიციპალიტეტის მერიის ხელმძღვანელობასა და კულტურის სამსახურს, რომლებიც გვერდში დაგვიდგნენ, იზრუნეს ჩვენს გამგზავრებასა და სხვა ორგანიზაციული საკითხების მოვარებაზე. დღევანდელი ვითარებიდან გამომდინარე და სამთავრობო რეგულაციების ფონზე, თქვენ წარმოიდგინეთ, მაინც საკმაოდ წარმომადგენლობითი აღმოჩნდა ეს კულტურული ღონისძიება, - დასასრული გვ 10



შეინანე. გული ვისგანაც მოგეცა, იმასვე ეკუთვნის. ღვთის განგების იმედი არასოდეს დაჰკარგო. გულით სინანული მეტია ცრემლით სინანულზე. მოწყალება ოქროა, მოთმინება კი ბრილიანტი. სადაც მეტი მადლია, საჩუქარიც მეტი იქნება. მიწიერი ადამიანის გაღმერთება არ შეიძლება. ჯერ უგუნური უნდა იყო, რომ მერე ბრძენი გახდეს. დამერთო უმაღლესი განგებით სცდის ადამიანებს. ყველა წესსა და კანონზე უპირატესი სიყვარულია. დიდი მადლია, მტრელებს და ჩიტებს აჭამო საჭმელი. ცუდია, როცა ენა წინ გისწრებს, ჭკუა კი უკან გრჩება. ვინც ენასა და მუცელს სძლია, ის უკვე სწორ გზაზე ღვას.

ჩვენზე ზრუნავენ

სოფელ თელიანში უკვე 8 წელია მუშაობს სამედიცინო პუნქტი. მასში მომუშავე პერსონალი ექიმ ლელა ქერიანიშვილის ხელმძღვანელობით გამოირჩევა პაციენტებისადმი გულთბილი დამოკიდებულებით, ნუგეშის და გამბედაობის მიცემით. სწორედ მათი რჩევით გადავწყვიტეთ გამეკეთებინა რთული

ოპერაცია. ღმერთმა დალოცოს ექიმი მამუკა მჭედლიძე, ჩინებულად ვარ. სამედიცინო პუნქტის შენობის პირველ სართულზე ახლახან ფუნქციონირება დაიწყო მეტეხის აფთიაქის ფილიალმა, დამონტაჟდა აქვე ჩასარიცხი აპარატი. მომსახურე ნინო თბილელაშვილს მადლობით მოიხსენიებენ

სოფლის მაცხოვრებლები მისი თავზაიანი მომსახურების გამო. ნინო სულ ესმარება ხანდაზმულებს, ესმარება აპარატში თანხის ჩარიცხვებზე. ასე რომ, თელიანის მაცხოვრებლებს აღარ უხდებათ გადაადგილება მეტეხში ან კასპში. კიდევ და კიდევ დიდი მადლობა ზრუნვისათვის. ნუგზარ კორკოტაძე.

მეზოთი ცნო
ჩოხბრის - ბელონიშვილის „მეზოთი ცნო“ ეროვნული თქვენს გამოხმაურების. მოხმარებით ჩოხბრისში. გავრცენით თქვენი ნაშრომები (წარმოშობა რეგიონი ეროვნული რეზონის) რა გავრცენით ისინი სპორტსლოცის.

სადაც მეტი მადლია, საჩუქარიც მეტი იქნება.
მამა გაბრიელის სიბრძნე, რომელიც რწმენის განმტკიცებაში დაგვეხმარება
მამა გაბრიელი (ერისკაცობაში გოდერძი ვასილის ძე ურგებაძე) - ქართველი საეკლესიო მოღვაწე - არქიმანდრიტი, ბერი. ქართველი წმინდანი. საქართველოს მართლმადიდებელმა ეკლესიამ 2012 წლის 20 დეკემბერს შერაცხა წმინდანთა რიგებში და მისი ხსენების დღედ დაანება 2 ნოემბერი.
შეიცან შენი ინებს.
უძღურება და უფალი გაგაძლიერებს შენ.
სიყვარული ღმერთს ქედს მოადრეკს.
კარგ ბერს ერთი სეფისკვერი უნდა ეყოს.
როგორც კი შესცოდავ, მაშინვე


„სახლი განთიადი“ იძიებს წინსწინდელ სურათებს წინაინის სავსებით თოქო-მაციანის შესაქმნელად. თხოვნით მივმართავთ თანაწინაინდროებს - რაცოვით თქვენი ყველი ხეებს მაციანში! გამოგვიგზავნეთ წინსწინდელი რა სავსაინის თოქოვები!

მიმდინარე წლის 12 ოქტომბრიდან კასპის მუნიციპალიტეტის საბავშვო ბაგაბაღებში თითქმის რვათვიანი შეფერხების შემდეგ მთელი დატვირთვითა და ახალი რეგულაციების მაქსიმალური დაცვით საგანმანათლებლო-სააღმზრდელო პროცესი განახლდა... არაჩვეულებრივი, მომხიბვლელი



და მხიარული სანახავეები იყვნენ მშობლიურ და ნაცნობ გარემოს მონატრებული პატარები, აღმზრდელ-პედაგოგები და მშობლები. არადა, თებერვლის ბოლოდან მოყოლებული საქართველოს მთავრობის მოწოდება "დარჩი სახლში" უკლებლივ ყველა სააღმზრდელო დაწესებულებამ გაიზიარა, ხოლო საერთაშორისო მექანიზმი ანუ ონლაინ რეჟიმი ყველა ბაღის ერთგვარი სახელმძღვანელო გახდა.

– ასეთ ექსტრემალურ ვითარებაში, რაც მთელი მსოფლიოს და ქვეყნის მასშტაბით ხდებოდა, ბუნებრივია, უნდა გამოგვეყენებინა ყველა საშუალება,



გაგვეთვალისწინებინა ყველა სამთავრობო გზავნილი, რათა მოსალოდნელი გართულებებისაგან გადაგვერჩინა ჩვენი საბავშვო დაწესებულებები, – განმარტავს კასპის მუნიციპალიტეტის სკოლამდელი აღზრდის დაწესებულებების გაერთიანების დირექტორი მანანა ხვთისიაშვილი, – ასეც მოვიქეცით, მართალია, ბავშვები დროებით შინ გავუშვით, მაგრამ მათთან ურთიერთობა ერთი დღითაც არ შეგვიწყვეტია, ოპერატიულად, ორგანიზებულად გვარდებოდა ყველა პრობლემა, მათ შორის, ბავშვთა საკვები პროდუქტებით უზრუნველყოფა, დაგვიბილი და დროში გაწერილი აქტივობები და სხვა გამოწვევა, რომელიც შეიძლება დამდგარიყო ჩვენს წინაშე.

მოკლედ, კოვიდ –19-ის გავრცელებამ ბევრი საფიქრალი, მეტიც, სერიოზული პრობლემის წინაშე დააყენა დიდიც და პატარაც, რადგან სკოლამდელი ბავშვთა აღზრდის თემა საერთოდ, ერთობ ფაქიზი და სპეციფიური გადასაწყვეტია,



ამიტომ აღსაზრდელისთვის, მისი ნორმალური ზრდა-განვითარე-

ბისათვის აუცილებელია ჯანსაღი და მშვიდი გარემოს შექმნა. სწორედ ამ თვალსაზრისით იყო, რომ ახალი სასწავლო წლის დაწყებამდე მუნიციპალიტეტის სკოლამდელი აღზრდის



დაწესებულებების გაერთიანების თანამშრომლებმა რაიონის ხელმძღვანელობის დახმარებითა და თანადგომით მთელი რიგი საშუალები ჩაატარეს იმისათვის, რომ ყველა საბავშვო დაწესებულებაში დაცული ყოფილიყო დაავადებათა კონტროლისა და საზოგადოებრივი ჯანმრთელობის ეროვნული ცენტრის მიერ შემუშავებული კოვიდ – 19-ის პრევენციასთან დაკავშირებული რეგულაციები... მოგეხსენებათ, რომ დღეის მდგომარეობით მუნიციპალიტეტის ბაგა-ბაღებში გაერთიანებულ აღსაზრდელთა საერთო რაოდენობა 1370 შეადგენს, სულ ფუნქციონირებს 25 ბაღი /აღსანიშნავია, რომ ამჟამად აღიანის ორჯგუფიან საბავშვო ბაღში, რომელიც გათვლილია 60 აღსაზრდელზე, ინტენსიურად მიმდინარეობს სრული სარეაბილიტაციო საშუალები/.

სხვათა შორის, როგორც გაერთიანების დირექციაში აცხადებენ, ამ ახალ რეგულაციებთან დაკავშირებით სოფლების თითქმის ყველა ბაღში იყო მოთხოვნები, რომელიც შეეხება როგორც კვების ბლოკს, ასევე საკვები პროდუქტებით უზრუნველყოფასაც, რაც რასაკვირველია, უსწრაფესად იქნა მოგვარებული.

ერთი სიტყვით, სასწავლო-სააღმზრდელო პროცესის განახლებამდე ყველა საბავშვო ბაღში დაწესებული გეგმაგრაფიკის მიხედვით, თანმიმდევრობით, ორგანიზებულად წარიმართა სადემონსტრაციო საშუალები, ყველა ბაღი აღჭურვილია დეზობარიერებით, დისტანციური თერმომეტრებით, პირბადეებითა და დისპენსერებით... ნებისმიერი შენობის შესასვლელთან დაგზავნა ბაღის წარმომადგენელი, რომელიც ოპერატიულად, კვალიფიციურად ატარებს თერმოსკრინინგს და მთელი ყურადღებით, პასუხისმგებლობით აკონტროლებს როგორც აქ მო-

ახალი სტანდარტების სრული დაწესებით

მუშავე პერსონალის, ასევე აღსაზრდელის ჯანმრთელობის მდგომარეობას.

აღნიშნული პროცედურის გავლის შემდეგ გადანიშნულ საინფორმაციო ოთახში, სადაც დროებით მოთავსდება სიცხიანი და რესპირატორული სიმპტომების მქონე /ცხადა, თუ ამის აუცილებლობა გახდა საჭირო/ ბავშვი.

საყურადღებო გახლავთ ის გარემოებაც, რომ სასწავლო წლის განახლებამდე ჩატარებულ სხვადასხვა სიახლეთა შორის მნიშვნელოვანი ფაქტია ისიც, რომ ხმარებიდან ამოღებულია ისეთი სათამაშოები, რომელთა რეცხვა და დეზინფიცირება შეუძლებელია. და კიდევ, ჯგუფებში დანერგილია

დაწესებულებებში განსაკუთრებულ მიდგომებსა და ყურადღებას ითხოვს კვების ორგანიზება, რომელიც ხორციელდება ტექნიკური რეგლამენტის კვების ორგანიზებისა და რაციონის კვებითი ღირებულებების ნორმების დაცვით. სურსათის მომზადებისას დაწესებულება განსაკუთრებულ გულისხმიერებას და ყურადღებას იჩენს სისუფთავის დაცვაზე. დროულად, ოპერატიულად სრულდება მზა და ნედლი პროდუქტების განცალკევება, სურსათის სათანადო თერმული დამუშავება, აგრეთვე, სურსათის შენახვა სათანადო ტემპერატურის პირობებში.

საგანგებოდ უნდა აღინიშნოს ის გარემოება, რომ მუ-



ისეთი აქტივობები, გასართობი და შემეცნებითი ღონისძიებები, რომ ბავშვებს შორის დაცული იყოს დისტანცია... დღეში რამდენჯერმე ხდება საძინებელი და სააღმზრდელო ოთახების ბუნებრივი ვენტილაცია და, რა თქმა უნდა, მაგიდებს შორის დაცულია /განსაზღვრული/ მანძილი,



საწოლები კი, განლაგებულია ერთმანეთის საპირისპირო მიმართულებით, ისე, რომ პატარები წოლის დროს სახით ერთმანეთის საპირისპიროდ აღმოჩნდნენ.

ადრეული და სკოლამდელი აღზრდისა და განათლების


ნიციპალიტეტის საბავშვო ბაგაბაღების კვების ბლოკი აღჭურვილია საჭირო ინვენტარითა და მოწყობილობა-დანადგარებით, მზარეულებისათვის შექმნილია წინსაფრები, ხალათები, ქუდები, ხელთათმანები, ბახილები.

როგორც ყოველთვის, საბავშვო ბაღებში უდიდესი ყურადღება ექცევა სისუფთავისა და სანიტარული ნორმების დაცვას, მაგრამ ახლა უწინდელზე უფრო მეტად გამკაცრებულია დასუფთავებისა და დეზინფექციის ზომები.

დასუფთავებისას განსაკუთრებული ყურადღება ექცევა იმ საგნებს, რომლებსაც ხშირად ეხებიან ხელით, მაგალითად, კარ-ფანჯრების სახელურები, ონკანები და ჩამრთველები, შეიძლება ითქვას, რომ ამ ეტაპზე გაასმაგებული ყურადღებაა გამახვილებული, რათა ყოველგვარი დამაბუღებისა და ექსცესების გარეშე წარიმართოს პანდემიის წინააღმდეგ ბრძოლა და თუ ეს ასე მოხდა, რასაკვირველია, რთული ნამდვილად არ იქნება "უხილავი მტრის" დამარცხება.

კასპის მუნიციპალიტეტის სკოლამდელი აღზრდის დაწესებულებების გაერთიანება.

გილოცავთ!



ცავთ საიუბილეო დაბადების დღეს (50 წლისიანს) და უახშირ მოღვაწეობის 20 წლისიანს მადლობას მაგახსენებთ მრევლს ყოველდღიური ზრუნვისათვის. გასურვებით განრწყინებულ და გამთლიანებულ საქართველოში ცხოვრებას თქვენს ოჯახთან ერთად.

ვასცანგ გორგასლის სახელის წაძრის დეკანოზს გიორგი ხოჯავას ვულო-

ბიძაშვილები

უცხოური მუსიკის IX ერთვულ ფესტივალზე

დასასრული. რატომ დელაგდენ ჩვენი გუნდის მომღერალ-შემსრულებლები. თუმცა, ის პატარა ვნებათა ღელვა და გასაგები განცდა



ქართული "ნამგლური" და "ცელო მოუსვი ბალახსა", რომ მაყურებელი ხანგრძლივი ტანით შეხვდა ჩვენს მომღერლებს... და ისმოდა ბორჯომის თვალწარმტაც პარკში სოლისტის მიხეილ ყოვიძის, მარიამ დათაშვილის, ლაშა ქორთიაშვილის, ლიზი მიდელაშვილის, ნათია კურტიანიძის, მარი სულაშვილის, ხატია გინტურის და ნიკა ბეგლარაშვილის განუმეორებელი ხმები. ამიტომაც იყო, რომ ფესტივალის ფიურში წარმატებული გამოსვლისათვის ყველა მოსწავლე და გუნდის პედაგოგი დიპლომებით დააჯილდოვა. კასპის მუნიციპალიტეტის კულტურისა და სახელოვნებო სკოლების დაწესებულებების გაერთიანება.



გოგს თათრშივილი - ჩვენი რჩობის რჩინა



ჩვენი დღეების გმირმა, გოგა თათრშივილიმა 31 წლის სიცოცხლე იკმარა, მაგრამ ხანმოკლე სიცოცხლეში მოასწრო მამულის კაი ყმობა, სიცოცხლე უძღვნა შშობელ ქვეყანას და ეზიარა მარადისობას, ვითარცა ვაჟკაცთა, ძველქართველთა წესა.

დაკავშირებით, მეოთხედ ჩატარდა გმირის ხსოვნის უკვდავო ფილმზე, ვისი ოღონდ, ამჟამინდელი საყოველთაო პანდემიური სიტუაციიდან და შეზღუდვებიდან გამომდინარე, ერთობ მოკრძალებული ფორმატითა და მასშტაბით, მასში ჩართო კასპიდან ორი და ერთი სტუმარი გუნდი გორიდან, ცოტა იყო მაყურებელიც. კასპის მუნიციპალიტეტის სპორტის დაწესებულებების გაერთიანების ორგანიზებით ჩატარებული წლებიდან და მასშტაბით, მასში ჩართო კასპიდან ორი და ერთი სტუმარი გუნდი გორიდან, ცოტა იყო მაყურებელიც.

ხვალთ სტუმრებს - გორელ კალათბურთელებს. მათ რიგებში საუკეთესო იყო გუნდის კაპიტანი ტატო ონიაშვილი, მას საგანგებო პრიზი გადაეცა.

ტურნირის ყველაზე უმცროს მოთამაშეს დათო ნიკოლიშვილს სპეციალური პრიზი გადასცა საბრძოლო ხელოვნებათა კლუბი "კასპის" ხელმძღვანელმა ალექსანდრე მანძულაშვილიმა.

შეჯიბრების საუკეთესო მოთამაშე კი დასახელდა კასპელთა ახალგაზრდული გუნდის წარმომადგენელი ტარიელ თაბუაშვილი. სამსაჯოდ მოწვეული იყვნენ გამოცდილი რეფერები თბილისიდან, ეროვნული კატეგორიის მსაჯები: დემურ სადღობელაშვილი და მიხეილ ანდლულაძე, ხოლო მთავარი მსაჯი, ტრადიციულად, გავალია ბრძანდებოდა - ვეტერანი კალათბურთელი და ცხოვრებაში გოგა თათრშივილის დიდი მეგობარი.

კასპის მუნიციპალიტეტის სპორტის დაწესებულებების გაერთიანება.

სსოპნა მოზიზა მოსიაშვილი



ერთი წელი იყოს ბედისწერა... მილეულა, ისევ უმძიმესი ოქტომბერი, შენი დაბადების დღის მოლოდინი, გარდაცვალება - 31 ოქტომბერი... გაჩერებული დრო, აკვირებულის კითხვა - რატომ? ... შერე, როცა ოჯახის წევრის მოლოდინი დროს უერთდება, როცა თავს აჩვევ ფიქრში ესაუბრო უახლოეს ადამიანს, როცა წონასწორობას ეძებ უღონო მოლოდინსა და გამანადგურებელ მონატრებას შორის, სრული სიცხადით ხედავ, რამდენად მოულოდნელი შეიძლება ოჯახი.

კვლევის საფუძვალზე თანამედროვე პრაქტიკული პრაქტიკა... სტატისტიკური ანალიზი... კვლევის საფუძვალზე თანამედროვე პრაქტიკული პრაქტიკა...

სინსხარჩვენი აგაფაციასა და სინსხარჩვენი რეკლამის განთავსებისთვის 2020 წლის 10 სექტემბრიდან - 2020 წლის 31 ოქტომბრამდე გამოყოფილია გზების ფართობი. გაზეთის ერთ ნომერში გამოყოფილი ფართობის სიდიდე შეადგენს 5520 სმ², მოთიანად გამოყოფილი ფართობის უფასო ნაწილის სიდიდე შეადგენს 2760 სმ² A3 ფორმატის ჩანაწერის ტარებულტება 368 ტ (1სმ²-40 თეთრი).

კვლევის საფუძვალზე თანამედროვე პრაქტიკული პრაქტიკა... სტატისტიკური ანალიზი... კვლევის საფუძვალზე თანამედროვე პრაქტიკული პრაქტიკა...